

مکرمات

ادبی و سیاسی رسالهٔ اسبوعیه در

۳۱ نجی سه

۱۲ صفر ۱۳۳۰

پنجشنبه

جزو عدد : ۱۳۲

آلمانیانك ۱۹۱۰ سنه سنده كی كتاب اخراجاتی

اقوامك یكدیكیرینه نسبتله حاز اولدینی مراتب معارفی تعیین ایچون بر معیار واردركه اسمی (كتاب) در . اق زرده چوق بولنور ، زمرلده چوق اوقنور ، زمرلده چوق صرف اولنور ، زمرلده چوق باصیلورسه اق قوم ، اق مملکت ، اق خلق اونسبتده نصاب معارفی حازدر .

۲۴ كانون ثانی افرنجی تاریخچه نشر اولنان (عثمانیشرلوید) غزته سی اقوام فاضله نك مراتب علیحده سنی ویکدیكره نسبتله بولندقلری سویه معارفی بك صریح ، حتی هر درلو شهابی سلب ایدن ارقام واعداد ایله گوسترمش اولدیغندن ، بزده اصحاب مطالعه نك نظر ادراك وعبثته عرض ایتمك ایستدك .

کچن ۱۹۱۰ سنه میلادی سی ظرفنده آلمانیان کره ارضك جهات مدنیه سنه اخراج وسوق اولنان كتاب اثمانی ۵۱ میلیون مارقه بالغ اولمشدر . بومقدار ك صحتی رسمی ایستاتیسیتق تأیید ایدیور . چونكه یالگیز ایستاتیسیتق خرجی اولهرق ۱۲۰,۰۰۰ مارق آلمشدر .

بواللی بر میلیون مارق، یعنی ایکی یچق میلیون انکلیز لیرالق کتابدن ممالك - مدنیه نك حصه سنه اصابت ایدن مقدار آتیده قید ایدیلان صورتده در :

۲۰,۸۴۹,۰۰۰ مارقالق آوستریا - مجارستانه

» ۶,۸۴۱,۰۰۰ اسویجریه

» ۴,۸۲۷,۰۰۰ روسیه

» ۳,۳۷۳,۰۰۰ ممالك متحده آمریقایه

» ۲,۵۴۴,۰۰۰ فرانسه

مارق	۱,۵۱۶,۰۰۰	ضران بریتانیایه
»	۹۹۲,۰۰۰	ایتالیایه
»	۸۱۸,۰۰۰	ژاپونیایه
»	۱۸۹,۰۰۰	اسپانیایه

اسویچره ، ایسویچ ، نورووچ ، دانمارقه ، فلنك مالمكى ۱۸,۳۷۵,۰۰۰ نفوسى شامل ايكن ۱۲,۲۳۴,۰۰۰ مارقلق آلمان كتابى آلمشدر .

فرانسه نك نفوسى ۳۹ ميلون اولدينى يعنى ، بالاده كى بش قومك ايكي مثلى متجاوز بولندينى حالده آلدینی كتاب بونلرك آلتیده برینه مساویدر .
ایسویچ اهالیسی ، انكلتره نك سكرزده بری نسبتده ايكن ایستاتیسدیق ، بوقومك آلدینی كتابك ائمانی ، انكلتره یه ادخال ایدیلان مقدارایله مساوی اولدیغنی گوستریور .

ژرمن عرقه منسوب اولان قوملر ، فرانسه نك آلدینی مقدارك اون ايكي مثله معادل كتاب آلمشدر .

آرژانتین ، بره زیل ، شیلی جمهورلرینك مجموع نفوسى ۲۵,۶۷۴,۰۰۰ عبارت ایكن اسپانیادن بش قات زیاده ، یعنی ۹۴۵,۰۰۰ مارقلق كتاب آلمشدر .

بونكله ثابت اولیوركه آلمانیا علوم وفنونى اقطار عالمك هرجهتده ، فقط اقوامك حاز اولدینی نصاب معارفله متناسب برصورتده جای قبول بولمقدهدر .

آلمانیاده نشر اولنان كتابلره یالگیز ژرمانیق اقوام دكل ، آلمان علوم وفنونك جدیدتی مدرك بولنان اقوامك كافه سی رغبت گوسترمكدهدر .

آلمانیاده ، آلمان لسانی ایله باصیلان کتابلر ، اقوام مختلفه مالکینده باصیلان کتابلرك عددینه تقابل ایتكدهدر .

سنوی آلمانیاده وسطی اوله رق ۳۰ بیك مختلف موضوع اوزرینه كتاب تألیف اولمقدهدر ، یعنی ، یومی ۱۰۰ نوع كتاب یازیلیور دیمكدر .

آلمانیا ده مطبوعات موقوته دخى شایان حیرت بریکون ارانه ایدر . هفته لك .
اون بش كوتلك . آیلق اوله رق ، علوم وقوننه دار ۱۳ بیك رساله نشر ایدیلرور .
یومی غزته لر ك مقداری ایسه ۸۰۰۰ در .

*

• کتابچیلق . آلمانیا ده حاز اولدینی اهمیتی قطعات علمك هیچ برنده احرار
ایده مامشدر .

آلمانیا ده ، بالخاصه لایسیقده هر سنه حزیرانده کتابچیلغه مخصوص بر (پنایر)
قوریلیر و تموز اوائلنه قدر دوام ایدر . بو پنایره کره ارضك جهات مختلفه سندن
کتاب قومیس و نیجیلری کلر لر . مؤلفات مطبوعه اوزرینه سندیقهلرله بازارلغه ،
مقاوله یه کیریشیر لر . قونطراتلر عقد ایدر لر . سنه تالیه ایچون کتب مختلفه
اوزرینه سیارشلر ویرر لر . موجوددن مبیاعده بوانور لر . نمونه لر آلیر لر ، نمونه لر
ویرر لر . حاصلی کتابه متعلق خصوصاتك کافه سی اق پنایره قرارلشدیریلیر .
آلمانیا نك بیوك کوچوك شهر وقصبلر نده ۷۵۰۰ کتابچی واردر . بو کتابچیلر
عموماً منسوب اولدقلری مملکتلر ك مرکز اداره سندن بولنان کتاب سندیقهلرله
مناسباتده در . بوسندیقهلره داخل اولیان کتابچیلر ، معاملات کتیده بولنه ماز .
ذاتاً هیچ بر کتابچی متصور دکدر ، که سندیقهدن خارج و حال انفرادده اوله رق
تجارت و تأمین منفعت ایده بیلسون .

کتابچیلغه مخصوص سندیقهلر طرفدن لایسیقده ، اشتوتگارت ده ، موینخده ،
برلینده برر رساله اسبوعیه نشر اولمخده در که بورسائله . کتابچی اولیان هیچ
بر شخص (آئونه) شریك اوله ماز . شاید بر کتابچینك ، خارج از صنعت بر فرده
بورسالیی ویرمسی تحقق ایده جك اولور سه . عادتاً بر شرکت انحصاریه نك شرائط
وسرایرینی بیكانه شرکت اولانلره افشا ایتمش نظریله باقیله رق - تعبیر معروفیله -
(یولسز) ایدلمسی متخذ و معمول به اولان نظامنامه لری احکامندندر .

بورساله لده کتب مثله و منشره نك نه گبی شرائطله ، نه قدر عدده . نه فیثانه

ویریله جکی محرردر . هر دز لو احتمال قارشی رسائل مجوٹ عنها اربابی آرمه سنده معروف و بیکانه لره مجهول بعض رموز و اشاراتی حاویدر . حتی اشاراتک مفاهیمی ، رساله لری ترتیب و طبع ایدنلرده معلوم دکلدرد .

بوندن بشقه خلقه ارانه اولنه بیله جک صورتده ترتیب ایدلمش (قاتالوغ - اسامی کتب) ده نشر ایدیلیر . آنلرده کلیت اعتباریله وقوع بوله جق مبیامانه وبراکنده صورتده کی صاتشرله مخصوص فیثات محرردر .

آلمانیده معارف عمومیه نك ایکی رکن اساسیسی واردرد ، که بری مکاتب ابتداییه ، دیکری کتابچی دکانلریدر .

مکتبل اطفال ملتی او قودیر . کتابچیلر لذت معارفی طامش اولانلره - ذوق واستفاده لرینی تأمین ایدم جک - او قویه جق کتاب یتشدریر .

آلمانیده بالکیز بیك نوعدن زیاده (آلماناق ، قاله ندره - سالنامه و تقویم) نشر ایدلمکده در .

تقویم لرك معارف عمومیه خدمتی بالتجربه ثابت اولمشدر . برکوبلی یورطی کوتی آریوب بولمق ایچون او جاغنک دیوارنده اصیلی اولان تقویمی هر کیجه دست مطالعیه آلیر .

مثلا (روزخضر) یورطیسی آریوب بولدیغی صره ده جهت مقابلنده « بوگون یونانستانک ماراثون صحراسنده قبل المیلاد ۴۹۰ ده آینه جنرالی میلنیادی ایرانلیلری مغلوب ایتمشدر) فقره سنی گوریر . آرتق بو اوافق معلومات کویلینک لوحه صاف حافظه سنه نقش اولوب قالیر . هر نه زمان (سن - زورژ) یورطیسی تخطر ایتسه بووقمه تاریخیده خاطره سنه ترادف ایدر ؛ روز حضرله ماراثون مظفرتی آنک ایچون الفاظ مترادفه صره سنه بکیر .

انواعی بیکی تجاوز ایدن بوتقویم لردن خلقک استحصال ایتدیکی فواید جدأ مهمدر . اولیله تقویم لردر واردر که صنوف کبار ، حتی رجال علوم و معارف دخی استفاده ایدر . حال بوکه آلمان کتابچیلرینک مطمح نظر لرلی استفاده اکبر دکلدرد . آنلر منحصراً افراد عوامده ذوق مطالعیه و بوصورتله خواص عرفان و اتقانی

خلقه تعميم واساسكبر اتمك ايستيورلر؛ اتخاذ ايتدكلرى اصوله باقيليرسه ماهوالمقصوده نظر ياب اولمقده درلر . چونكه هر سنه مختلف شيلردن باحث يكي تقويملر نشر ايتدكلرى كېي، اونه دن برى رغبت عامه يي قزاعش و خلقچه معروف بولمىش اولان تقويملى ده برطاقم معلومات جيده و تصاور مفيده ايله توشىخ ايدرك اضعاف رغبت ورواجنه چاليشورلر .

آلمانلر ك مابه الافخارى اولان (كوته) و (شيللر) نامنه هر سنه برر تقويم نشر ايدلمكده در . بو تقويملر كوته و يا شيللر ك اشعارى حقنده يكي يكي انتقادانى و يا بوايى شاعره معطوف برطاقم روايات و محرراتى حاويدرلر . مثلاً بش مصراعدن عبارت برنشيده منفردنك نه زمان و نه حس و فكر ايله سويلمىش و يا خود اقوش مصراعى كوته ايله شيللردن هانكيسنك سويله مش اولدني حقنده بر جوق احتمالات و يا خود برطاقم وثائق و دلائله مستند روايات درج ايتكمده درلر .

كوته و شيللر نامى ؛ آلمانلر عنندنه فضولى و نفعى نامنك عثمانلير آره سنده كى موقع تلقى و ابجائه مساوى و بلكه غالب بر حرمقى جالدر . بوسيله اونامه نشر اولنان هرازك آلمانلرجه تحريك مراق ايمسى طبيعى در .

ايشته بوقيلدن اوله رق مشاهير نامنه متعدد آثار سنويه تأليف و نشر ايديله رك قرون سالفه نك مائر عرفان و مؤثرانه عائد مباحثى تجديد و احيا طريقيله بطن حاضر ك تنوير افكارينه خدمت ايدلمكده در .

عثمانى نشر لويديك يوقاريدى قيد ايتديكمز ايستايستيقى اوزرينه بزم بك اوغلنده كى ابكى آلمان ك تانجيسنه صورت مخصوصه ده مراجعتله ، بكن ۱۹۱۰ سنه سنده قاچ مارقاق آلمانجه كتاب و رسائل جلب ايلدكلرىنى سؤال ايلدك . هرايكيسنك جلب ايلديكى كتابك اغانى و اسفاكه ۳۰ بيك مارقه رسیده اوله مامقده در . بو كتابلر ك بوزده سكساتى ده آلانلرينه آلمانلردر .

ايشته بوده كميت و كيفيت معرفتمزك بر معيار صحیحى عد اوله بيلير .